

富順縣志

二十年十月
李永成題

富順縣志卷之十三

人物

列女

段大令纂縣志書列女後曰昔劉向傳列女非僅以節烈著凡醇性懿行可示法則者皆述焉誠以常變雖殊其足維厲風俗一也邑中列女多以節烈傳而孝行才藝之可表者亦間有之故附見焉雖事止一節亦足以風勸矣范氏後漢書列女傳序亦云不專任一操四川通志以賢淑才藝義烈貞孝完節分門

明

義原近古惟所列賢淑考其事實仍以甘貧守節割股療親爲多是與貞孝完節名分而實不分未免徒滋淆混今故仍從段氏因地制宜之例以貞孝先焉

參政甘敬修側室劉氏

劉本中女年十八參政甘敬修

以無嗣娶爲側室敬修沒氏長號仆地久方甦水漿不入口者旬日及葬願以身殉諸子婦勸悟乃止孀居五十餘年皤衣素履獨坐中室雖諸孫不輕見卒年八十一入祠知縣楊愈昌妻郭氏進士繼開女年二十八愈昌沒任

所時值荒亂流賊四起氏攜姑與幼子扶愈昌柩至貴筑不能歸姑沒備極苦辛紡績自給知書史課子鴻基學亂後歸年七十卒入祠

總兵楊國棟妻單氏年二十四孀居寓黔之石旰木橈山中翦髮毀容女適范璐迎以奉養氏另闢一室足不踰戶年五十八卒入祠

庠生郭懋宏妻楊氏侍郎述中次女名二姑通內則列女傳呂氏閻範諸書年十五適隆昌郭懋宏未踰年懋宏抱病臨訣時遺命續嗣氏許以死殉密書誓詞於帶曰妾

心一片鐵不與紅爐滅熒熒未亡人茹苦肱九折一死鴻
毛輕豈受風塵繼妻髮可剪頭可截越二年胞弟懋和生
次子名孝懿立爲嗣長七歲氏曰可以死矣爰歸甯自縊
死鄉人諡曰貞烈天啟五年旌表建坊西湖

段志載有四
川巡撫饒景

暉題疏禮部尙書兼翰林院學士孫如游題疏馬之
騏楊孺人傳董其昌郭烈婦遺書書後并詩張龍貞
烈贊陳繼儒郭烈婦練銘又七律一首姚士慎頌貞
烈七律一首沈國華頌貞烈七律一首陳啟運頌貞
烈七律一首
今皆未錄

黎雅參將蕭某妻劉氏 氏流寓滇南聞永厯走緬乃取

壁間驛梅驚別意堤柳暗離愁句題十絕於後以七歲子

付家奴歸蕭欲手刃幼女自縊亂兵適至遂同赴井死入

節孝祠

段志有氏七絕十首今未錄

楊氏義姑

中丞楊述中祖姑初楊氏豐富田地數千畝

義姑父母早沒止一弟名洪方五歲義姑迨吉尙未問名

族黨利其家產耽耽覷之姑曰父母沒在孤惟弟在室惟

我令我爲人家婦不過爲人持門戶耳我去孤危恐不有

於生昔李文姬脫不先歸趙氏不難與爕也同遜終不願

以高義爲王成乞也我當誓不嫁與弟終身保持或者天

其有鑒乎已而經紀其家政以育以教其弟成孝廉白首

全節後楊氏蕃衍光大祔廟世世祀之稱義姑云

段玉裁曰古今門第之興多由內助然未有若楊氏之異也處孤危之際而能保全弱弟卒昌大其門閭非獨天資之厚抑其才識有過人焉昔賢謂託孤寄命爲君子若所稱義姑者誠楊氏之嬰杵閨幃之君子也厥後貞烈二姑與相輝映楊氏何多賢女哉

劉泌妻尹氏紉蘭

宜賓大參尹子求女歸泌時與泌妹

文玉讀書作詩其詩神骨條然澹遠音節清絕年十九卒

竟陵鍾惺銘其墓曰斷香紉蘭所作載名媛詩歸

段志載尹氏夜坐吟七律一首乍晴五
絕一首又鍾惺斷香銘文今皆未錄

劉必繼室朱氏

字懷瓊蜀藩德陽王郡主亦善吟詠其

才與尹氏相伯仲詩并載名媛詩歸

段志載塞下曲及落花五律二首今不錄

清

李九河妻王氏

王于蕃女名寅姑年十六適九河五年

夫沒哀慟絕粒姊姒慰之氏乃勉從夜績麻伴子誦習少

識字親爲指畫至夜半不休子懋年踰五十稍有過重責

不貸性莊肅居常坐不側欹庭闥無笑語聲年近八十猶

勤女紅雖至親子弟不易見季弟九源性朴分產時以美

業與之卒年八十四雍正五年建坊旌表入祠

段志有李芝王節母

五古一首今不錄

上段志

張乾元妻李氏

李文芳女年二十三乾元沒遺二男一

女俱殤矢志不貳撫同宗子朝棟嗣家貧紡績以奉翁姑
夫叔祖叔祖母老無依氏任其養葬夫兄嫂與姪沒氏代
撫其孫成立李姓胞兄卒無後謀于李族以屋址爲李氏
支祠俾父兄不泯血食歷節三十一年

漆尙智妻董氏

幼字尙智邑東董九卿女庠生九疇九

齡胞姪女舉人大勳從妹以家貧無歸贅于董相依居焉

生一子一女女夭未幾尙智故子子亮僅五齡氏日夜紡織以供或不能舉火里人諷以再醮氏泣拒曰漆氏僅此一綫若改面事人不惟負所天何以生于人世此大疑不如也爲子聘熊學廣女乳抱撫字備至及笄與完婚而學廣無恥半載召女歸甯私鬻與人作妾月餘命子亮往迎不返氏疑至學廣家探之云未來詢其媳答以在戚家未歸密訪鄰右始知媳已嫁子爲學廣毒斃尸亦無蹤因控縣邑令王已下學廣獄命出子亮半載王謝任學廣以奸計出獄時漆氏無人九卿沒家貧子亦忠朴冤莫與伸呼

天自盡者數俱爲九卿子婦等解救得不死後撫九卿次子之子爲尙智嗣舊志邑進士張震有傳

陳兆鑑妻林氏 年二十八兆鑑沒季子慶華踰年始生

茹苦撫孤兼撫夫之弱弟兆銓歷節十四載卒

隆昌舉人范泰衡有

像贊云坤維有大節凜凜不可踰貞婦獨得之巾幗亦丈夫況值鸞絃斷諼閣有遺孤爲夫撫兒兼撫弟呱呱一室兩勤劬吁嗟乎曹豆泣田荆枯富貴兄弟尙難言寡嫂何能代倚閭詎似陳貞婦緣孝篤友于我今瞻遺像猶見女宗模松栢有心竹有陰叔爲簞簋子爲瑚和丸茹檠數十載貞烈直與慈孝俱花開旌節龍章賁一舉三善無人如卒後陳氏日益昌熾詳見孫崇哲所述事略及舉人簡伯璋所撰家傳墓表

進士朱偃妻唐氏

綿竹進士唐樂宇女性敏慧通經史

工楷法不苟言笑事舅姑能盡婦職舅沒姑年就衰偃宦湖湘氏奉姑就養任所侍湯藥衣不解帶割股和藥手鈔書授子圻堅讀年八十猶能作楷書上林方之歐郝

周學仕季女四姑父操舟爲業四姑年十六失怙母病癰在牀饘粥湯藥無措姊三以次適人兄一完婚未久沒遺一子僅數月嫂別醮母痺姪弱以一身任之紡績爲生聞議婚卽痛拒食貧茹苦幾六十年同治丁卯卒年八十一族里咸欽其貞孝

上呂志

蕭光岳妻黃氏

副貢黃宗瓊女仁儉孝慈訓子孫以禮

姑病痢數月中裙廁牖皆親澣濯子世楷官綦江訓導迎
養在署適髮賊石逆攻城氏命泮池貯水擬事急投其中
時邑令畏蕙士紳伍輔祥等問計守備機宜皆氏所授賊
退邑人咸頌賢母知兵卒年八十四

新增

牟氏女轉秀

邑西王家井牟家河人幼字胡氏子橋生

胡少長近匪爲

盜女聞之深以爲恨後婚期將近女自

泣數行下夜靜

自縊死時年十九

新增

列女題名上

姓氏次第依鄭樵通志氏族略序錄其鄢降二姓据

鄭例左傳鄭伯克段于鄢則亦以邑為氏文公十八

年太史克稱龐降則亦以名為氏續通志氏族畧補遺亦引此并据辨

證引楚有鄢降師衛有鄢武子鄭略均漏載故附後以姓類族之中

志先後及新增為次首節婦次孝婦烈婦次貞女孝

女烈女賢明才秀附焉有世系可次者以世系次

姓氏

世系里居

婦年

事實

明唐偉妻熊氏

年二十五夫沒屬撫子武清成立卒于二十八年卒

清唐珩妻楊氏

年十九夫沒已旌 稱撫次子德裕入庠

右段志

案方志家通例凡直云某志者皆不增改一字惟約舊文入表礙難

全錄又子孫狀況或後盛于前故
間有增潤然于原書宗旨并無絲
毫違悞各志具
在可覆按也

唐子思妻張氏

年二十三夫沒歷事翁孝教子嚴歷事
三十年

五姑承順如一待繼
姑所出兩弟恩勤備
至

唐高靈妻蕭氏

年二十五夫沒歷節
三十四年

右黃志

唐儒道妻彭氏

宣賓彭松女歲貢彭年二十四夫沒歷節四
錫齡姪女
夫年已旌名列總坊

善事翁姑弟婦病撫
姪如己子撫子世彬
成立又撫二孫

唐官璽妻許氏

夫沒歷節三十餘年
已旌

唐官必妻許氏

已旌

唐正國妻舒氏

已旌

唐正太妻申氏

已旌

唐正仕妻楊氏

已旌

唐玉彩妻李氏

年二十夫沒歷節三
十年已旌名列總坊

唐紹暘女述秀

已旌

唐澤益女白蓮

守貞完節

李逆之亂殉節

右呂志

唐澤咸妻明氏